

Na osnovu člana 18. Poslovnika Centralne izborne komisije Bosne i Hercegovine («Službeni glasnik», broj 29/18), a u vezi člana 14. stav (1) tačka e) Pravilnika o upotrebi i izradi izvoda iz Centralnog biračkog spiska («Službeni glasnik», broj 29/18), Centralna izborna komisija Bosne i Hercegovine je na 52. sjednici, održanoj 19.09.2018. godine, donijela

ZAKLJUČAK

Član 1.

- (1) U cilju zaštite biračkog prava **o d o b r a v a** se izbornim komisijama osnovnih izbornih jedinica da objave spisak birača koji su upisani da glasaju putem pošte, kako bi birači mogli provjeriti da li se njihovo ime eventualno nalazi na spisku birača koji glasaju putem pošte.
- (2) Spisak birača koji su upisani da glasaju putem pošte za svaku osnovnu izbornu jedinicu za koju ima pravo da glasa je sastavni dio ovog zaključka i sadrži: prezime i ime i ime jednog roditelja birača, spol, datum rođenja i mjesto rođenja.
- (3) Izborne komisije osnovnih izbornih jedinica obavezne su pored objave na svojoj oglasnoj ploči, na pogodan način obavijestiti birače u svojoj osnovnoj izbornoj jedinici da se spisak birača koji su upisani da glasaju putem pošte nalazi u centru za birački spisak, kako bi mogli provjeriti da li se eventualno njihovo ime nalazi na spisku birača koji su upisani da glasaju putem pošte.
- (4) Za svakog birača čije ime se nalazi na spisku birača koji su upisani da glasaju putem pošte, a nije dostavio prijavu za glasanje putem pošte, izborne komisije osnovnih izbornih jedinica dužne su voditi evidenciju koja sadrži ime prezime birača i njegov JMB. Ovu evidenciju dužne su dostaviti Centralnoj izbornoj komisiji Bosne i Hercegovine najkasnije do dana održavanja izbora, odnosno do 06.10.2018. godine do 16,00 sati.
- (5) Izborne komisije osnovnih izbornih jedinica dužne su u svojoj osnovnoj izbornoj jedinici izvršiti usporedbu podataka osoba čija se imena nalaze na spisku birača koji su upisani za glasanje putem pošte sa podacima osoba čija imena se nalaze u izvodima iz Centralnog biračkog spiska i označena su oznakom *.
- (6) Ako se utvrdi da na spisku birača koji su upisani da glasaju putem pošte ima osoba čija imena su u izvodima iz Centralnog biračkog spiska označena oznakom *, izborne komisije dužne su dostaviti evidenciju o tim osobama Centralnoj izbornoj komisiji u roku iz tačke (4) ovog zaključka.
- (7) Ukoliko birač na dan izbora dana 07.10.2018. godine utvrdi da se njegovo ime nalazi na spisku birača koji su upisani da glasaju putem pošte, a nije dostavio prijavu za glasanje putem pošte, izborne komisije osnovnih izbornih jedinica dužne su voditi evidenciju koja sadrži ime i prezime birača i njegov JMB. Ovu evidenciju dužne su dostaviti Centralnoj izbornoj komisiji Bosne i Hercegovine i Glavnom centru za brojanje najkasnije do 24,00 sati na dan održavanja izbora.
- (8) Birači iz stava (4) i (7) ovog zaključka imaju pravo da glasaju na biračkom mjestu za glasanje nepotvrđenim - kovertiranim glasačkim listićima.

Član 2.

Ovaj zaključak stupa na snagu danom donošenja.

Broj: 05-1-02-3-916-1/18
Sarajevo, 19.09.2018. godine



Predsjednica
Dr. Irena Hadžiabdić